



隱秀軒詩地集目錄

五言古三

補和楊文弱年丈書德山讀元碑見寄
之作 并序

已未白門喜周伯孔至讀其詩記前會
在巴西歲

得韓求仲書并所選文二編感而有寄
題徐生山居圖

冬日登虎丘

將訪茗雪許中祕迎於金閭導往先過
其甫里所住有皮陸遺跡

遊梅花墅

將至吳興訪韓求仲年丈雨中舟進暮

泊城外言懷

訪趙凡夫寒山所居其先墓在焉賦贈

二詩表其山志二首

詠古王刻螿字得蜂

始晴

秦淮晤別詩

于胤先北上過白門持同年夏祠部正
甫書相訪策遼事賦此贈行

梁無他水部自潘景升處投詩見贈賦

答

王文肅公專祠詩

隱居集
錢時將自吳過訪因謁梁水部於蕪湖
反再見予送之歸吳

病中買得一侍兒名曰靈光因憶唐人
有新姬侍疾之作戲和其意

五看雪詩

有引

木末亭看烟雪

雞鳴寺塔下看後湖雪

烏龍潭看雪

孝陵看雪

秦淮擢雪

靈谷看梅

賦得陶士行母贈姚孟長母文太孺人

城南古華嚴寺半就傾頽奇為清峭同

一雨法師徐元嘆陳磐生往訪詩紀冥

游兼勸募復

遼陽陷後友人張任甫先赴叅謀之召
得書詢之尚未出關欣慨交心勉其後

圖

游茅山

觀魯顏公所書茅山玄靜先生李君斷

碑

隱秀軒詩地集

竟陵鍾

惺伯敬著

海虞沈春澤雨若閣

五言古三

補和楊文弱年丈書德山讀元碑見寄
之作 并序

萬曆乙卯閏八月予以典黔試竣還過
武陵候年伯楊侍御脩齡先生與文弱

隱居詩集
道予遊德山登覽之次觀莽中一碑闢
然如礪有文可按迹之爲元丞相姚雪
齋送僧歸楚詩詩甚雅草書有右軍筆
體因輟遊事各竭其心目之力由偏傍
得字由字得句由句得篇思者退聽得
者競發脩齡先生命予紀其事未果久
之文弱爲詩寄予深妙渾成已獲其珠
予耻於鱗爪憚而未作今茲寄予全幘

再觀此詩因追和之在己未正月十日
狂渚猶脩竹清湘多古烟坦步輟思詠靜得
文字緣精神超礪莽文質中塞淵心形忽而
止遭異同所虔作者標勝國未窮金石年剝
蝕增時代曠如邃古前虛懷候其至蹭蹬如
恐遷當其泮渙際意滿莫能先思理蘊殘斷
不爲鈍者傳離合不可強以待慧與專誤書
思卽快不必得其全一靈散羣慮半者有時

隱方車言詩集
圓逢舊如創獲字句忽以篇數載憶斯日願
力亦云堅

已未白門喜周伯孔至讀其詩記前會
在巳酉歲

一士才德成天人幾交臂力曰兼人資後遂
不可量閱人久且多本末自殊狀風日損不
知驕吝美已喪能使好德人十語力成妄見
君白門日弱冠神內曠如彼岸未登意已先

入上敢自負人倫秉彛不能忘人多惡其狂
利子終易向予雖不謂然口譽心兼創今茲
後我來再見君已壯安保十年外前途副遠
望交相勞苦言不暇道無恙舟近察其人豫
覩清實相拜手誦清風穆如表靜尚曩言庶
有試今懷始獲放感子不相負非因來破浪
默思昔搖搖爲子肩疑詢愧予當子年事事
遠相讓雖云根器殊亦緣心目障倘有他山

石如我於君嚮何至老大時衰劣猶悵悵乃
知賢愚分運會默相仗

得韓求仲書并所選文二編感而有寄
十年明一寃。人生年幾十。可見始禍人。爲謀
亦不失左官。無明條聊取前事畢。素心如諸
生。寵辱安能及。諸生如之何。屹屹事經術。緇
校非苟然。血誠散卷帙。可以有感通。匪惟存
矜式。笑向冥理游。淵淵神內實。各思看花時。
少壯意難戢。今來是再見。木雞應可挹。

題徐生山居圖

古之歷落人人不可衣。食又况可得居一枝
如鳥息。愚公庇天下。不苟德所識。徐生雖相
依。雅亦能自立。宥於汎愛中。求分萬間一。愚
公獨重之。幸舍與棲集。旣貴長且賢。下交無
倦色。生亦安廡下。以明愚公德。張公畫隱人
長者年七十。高愚公古誼。圖之以特筆。

冬日登虎丘

一丘但清妙，霸氣如暫銷。層層不覺上，心目隨所超。吳天多在水，澹澹不能高。歌吹石留響，精靈澗沈寥。柔艷輟秋冬，溪山多後凋。以茲巖枯內，彌想其天喬。其處去人抑何遙。

將訪茗雪許中祕，迎於金閫導往先過。其甫里所住有皮陸遺迹。

鴻漸生竟陵，茶隱老茗雪。襲美亦竟陵，甫里有遺轍。予忝竟陵人，懷古情內挾。十載吳越心，風煙未遑接。誰知茗上路，可用甫里楫。迎送非俗情，山水分夙業。吳淞始有江，天遠流漸疊。未揖桑苧翁，皮陸迹先躡。苟可添佳遊，取途何必捷。二公居遊地，一身逝將涉。

遊梅花墅

閉門一寒流，舉手成山水。動止入戶分，傾返

隱之車言其
有妙理脩廊界竹樹聲光變遠邇從來看園
居冬日難爲美能不廢暄萋春夏復何似何
以見君閒一亭一橋裏閒亦有才識位置非
偶爾

將至吳興訪韓求仲年丈雨中舟進暮

泊城外言懷

出門武林心中聞若雪艷移帆暫先之初懷
有時變豈知湖山外別有深緣願伊人水一
方屢盟圖再見山光十里來澹爽如君面自
許今夕言從昏至於旦風雨示其難進止斯
須亂揖酒拜榻人黽勉幸勿倦舟泊雨晴初
月生更未半微照接離緒烟霜亦婉孌

訪趙凡夫寒山所居其先墓在焉賦贈

二詩表其山志

不謂入戶久身始行山中水石凡幾里坦步
得始終此山甘載前無人山月空居士開山

隱居車言詩集
意一以孝思充人所美丘壑君作桑梓恭高
下奉先志疏鑿敢不躬吁嗟志氣壹思理爲
之通天人有幽贊靈昧無不從積歲殫頂踵
旣成仍鴻濛久住覩剝蝕巧力亦旣融大哉
風霜權能滅斤斧蹤心力示來許豈曰非天
工

又

天哀至性人酬之慧與福慧亦有聖狂福亦
有榮辱君秉清淨根餘因及眷屬與博友逸
妻閉門一佛族共資津逮恩雙脩報鞠育昏
嫁累不多有子兼式穀空山焚誦時聲聲在
風木誰令丙舍傷豫爲置澗谷地旣煩表章
人亦遂邁軸嶺誰名涅槃應待君卜築何哉
一朴心經營妙伸縮

詠古玉刻螭子得蜂

刻玉作二虫子母願何堅有絲不忍縛厥意

在纏絲有辛不忍整含飴相愛憐吉夢乃生
男朱芾萬斯年漢臯豈無珮徒結燕婉緣

始晴 二月二十一日

入春已五旬春從今日始冉冉梅花年奄忽
接桃李常年新柳來淮流不濡軌今年新水
來依依黃幾里相值亦偶然彌覺風烟美二
月城南遊輟入淮流裏仍作閉門人清興未
遑起

秦淮晤別

贈徐元歎別吳去塵

子來望之夕桐月照新涼是時子見我空綠
猶霑裳今春約過子梅花不可忘蹉跎遂首
夏各道梅子黃子心自冰雪如携鄧尉香日
子往不易子來焉可常所寓近淮流可以日
舟航如何四月望忽忽欲端陽有美得吳子
况皆婉清揚復有何異同良晤猶相商淮流
三十夕夕夕明月光今雖屬晦夜積暉如清

湘吾弟共斯契我舟弟則林可見佳情事意外多所妨子雖來十日但如始至觴吳子諱言別引衣已欲裝子又云此後別予隱石梁此夕暫復暫前後一何長汨汨百念至未暇及文章

于胤先北上過白門持同年夏祠部正甫書相訪策遼事賦此贈行

承平一事起百千功名人建言無禍福疏賤亦得申兩載非遼事出語遂無因口耳遞出入茫然孰爲真聲盡鳴亦止不必中苦辛雖無出位罪未聞用其身于公懷表餌徃徃言中倫致身別有術匪用于要津迂慮謂今患不獨在虜塵假使遼遂伏標本難具論豈云焦爛後遂無可徙薪君地文武彥矯矯多力臣我友夏祠部况君之周親君宜作狂腐冒昧先叩陳

梁無他水部自潘景升處投詩見贈賦

答

性雖不適時。索處亦何獲。况復本寡昧。能無
藉三益。數載見人情。旦暮有今昔。平時日知
慕。過門馳短策。亦有下問者。不招造我宅。未
忍相誑誤。古道共尋繹。面從久不堪。反唇見
罪適。加以嚴冷名。初心彌踧踖。以茲每自安。
客居半屏迹。區區好德心。幽明庶可格。同心
在四海。閉門原不隔。婉變梁水部。虛懷忘我
僻。緘詩不通書。且曩疑猶未釋。必也笑相視。乃
各覩肝鬲。我方一片心。慇懃爲騎驛。

王文肅公專祠詩

君臣共元化。宰相尤樞軸。今之師保傳於古。
曰三獨以親。則心膂以尊。則伯叔豈曰猶夫。
人無故叨簡錄。矧乃不世君。豈能覩庸熟。聖
主責愚相。不待其覆餗。以茲輕且疑。積而成

躑躅三四十年中吾見王文肅 御札藏公
家惺也曾跪讀每於點畫內尊禮意堪掬致
此非苟然才誠妙伸縮嫌怨盤錯間微茫爭
倚伏業已忘非譽豈惟輕寵辱 九廟實臨
之貞心照霜旭外人寧得知 聖主獨鑒燭
所以越庭推金甌默有屬險人與腐儒大奸
之臂足謹啄不自由犬吠驢鳴續於赫哉明
綸竟以此曹束邇者舌耳敝強半爲枚卜

宸聽歎天淵幾成道傍築那知 恭默中宸

憤於此觸庚寅歲召對巷牖公啟沃此後多
靜攝臨軒勞補牘正使日三接羣情彌窘促
乙卯庚申事可以見碌碌安得公其人 清
問堪反覆乃悟再召公宸斷超流俗年來悞
國人巧於逃大戮不居權奸名猥以庸自贖
大臣係安危庸卽同凶族醫以庸殺人參苓
等鳩毒安得公其人默定紛紜局國未竟其

隱秀集詩上集
用身後蒙尸祝吁嗟蹇蹇心此事非所欲庶
以風來者頑懦有私淑

錢時將自吳過訪因謁梁水部於蕪湖
反再見予送之歸吳

士能苟讀書無文亦自可篇章日日傳吾知
腹未果錢生學道人著述不妨夥案之皆精
博孔釋如觀火別予謁梁公反不忘見我離
久如初逢去鶴空中墮歸吳卧冰霜經籍以

自裏

病中買得一侍兒名曰靈光因憶唐人
有新姬侍疾之作戲和其意

置婢亦偶然何嘗因病阻女子稱薄命低回
向父母雜香照火臺幃燈孤未吐中有枕衾
人叨作羣艷主未及辨時地俯列人三五何
暇自言新默然入儔伍錫余以佳名傳呼別
衆女親賓明日來推排避無所君言蒲柳姿

吾衰良負女自有生平顏來晚未及覩毀容
傷君心隨例成眉嫵察君雙眸光炯炯能識
取儻勉待君健精神照窻戶只作初相見飲
食重歌舞况非旣嫁身良時猶可補

五看雪詩

有引

雪無暘於庚辛之冬春者看雪無博於
庚辛冬春鍾子之在白門者由今想之
於木末亭於雞鳴寺塔下於烏龍潭於

孝陵於秦淮之舟大要木末之雪秀禾
於木於烟雞鳴寺眺後湖後湖之雪曠
曠於湖烏龍潭之雪幽幽於潭亦於木
於烟孝陵之雪雄雄於陵秦淮雪舟前
此未有也雪則蔣山蔣山之雪活活於
從水看山退尋追賞作五看雪詩

木末亭看烟雪

羣動無漸次同時被萬光平楚出其端烟杳

生下方若非寒悄悄已是春蒼蒼始知原野
秀或不藉青黃亭臺不足言當觀於大荒

雞鳴寺塔下看後湖雪

日日玄武湖今朝曙暉廣波不在湖中白非
生雪上明明忽如月堪作清夜想奇光不可
名茫茫從此往

烏龍潭看雪

天淵但一深初無陰霽殊身處孤光內乃知
積雪餘寒照無遁情動蟄難爲居此時同一
覺靈者獲其珠

孝陵看雪

王氣養晨寒積厚光亦融松楸自森肅陵谷
乃鬱蔥一白難思議萬象無始終鞠躬向山
爽六龍在其中

秦淮權雪

淮流與蔣山雪期苦難共臘雪忽過春意外

流澌送山中所消水還爲看山用寒影本卓
然隨舟或蠢動從舟見諸山舟輕山則重

靈谷看梅

一雪達冬春萬花生巷陌嘉祥久且多

反成數霽後速我遊春物宜甲折空濛烟靄
中郊原胡以白得非消未盡餘霰猶狼籍何
知是寒梅遙香表韵格澗松暫輟聲留風吹
素魄氣如可承攬光真難採摘孤踪有本性
花煩終不積感君開較遲來晚及芳澤折枝
愧區區聊志私所惜相延歸索笑勿謂瓶中
窄

賦得陶士行母贈姚孟常母文太孺人

截髮一何苦結友如不足所求在宦達未能
超寵辱不應如是母教子以干祿三讀陶公
傳悔此論未篤晉室何等時首足已翻覆亂
頭養望人何關於剝復區區陶長沙大廈之

一木其母知是子才誠堪補浴猶慮狃近圖
有負於鼎軸一片截髮心感勵等慟哭所以
惜寸陰孝哉守母勗如彼仗劍人劉項運已
卜死生雖不同各具興亾目非無匪他志足
以樹儀鵠別有尊攘懷自隱於膏沐尋常栢
舟言難爲此母讀

城南古華嚴寺半就傾頽奇爲清崎同
一雨法師徐元歎陳磐生往訪詩紀冥

遊兼勸募復

六載秣陵人自許遊栖熟所愧城南寺前此
未寓目懷新快初至詢仰得前躅數里聲香
中人我在空綠金碧感廢興林軸增幽獨佛
事寄花果僧意安水竹微雨灑新陽羣有俱
膏沐淨地不必言亦可備登矚先往勸同心
靜者來相續庶借奔悅情共爲信施勗

遼陽陷後聞友人張任甫先赴叅謀之

召得書詢知尚未出關欣慨交心勉其
後圖

君有吞胡志時無御衆才無故驅出關委敵
亦足哀頻年壯士去君見幾人回犁庭名洵
美誰實受其災爲兔而忌狗別自有覆培騎
劫代樂毅賊喜士氣頽預知有今日不待敗
音來城亾義軍死寧止四萬哉聞君方被檄
引衣就行枚非不欽壯志巢卵恐同摧捐軀
屬無名爲君中徘徊智勇生有限疆土猶可
恢書來知遼陷君猶在燕臺從此宜審擇努
力收餘灰

遊茅山

山以人得名云來關隆替犯兩訪句曲諒亦
有冥契依夕忽如朝輿步踏殘霽天寒百靈
肅山空衆響厲嶺上自白雲真人已天際始
悟洞壑迹祇是真仙蛻按圖窮物隱歲晚冰

霜閉

觀顏魯公所書茅山玄靜先生李君斷

碑

世人觀神物不賞亦不忌一落各山中眾靈
必驚異所以令
在半完毀運數雖不

山無一字峭

嶮平原筆摧折亦數四殘光照灌莽去留不
無意逸姿寄典刑妙情超勁氣如彼蹇蹇臣

反見為斌媚此在顏書中圓警最滿志中分

幸兩存延津合亦易不然或收之斷者曷能

覬

隱秀軒詩地集

隱秀軒詩玄集目錄

七言古一

題林茂之畫壁

題張金銘紙帳

送鄭季卿之金陵兼寄書南中所知

將移居題別畫壁

八月十四夜集別張金銘年丈暫假歸

沐

上白帝城望杜少陵東屯居止遂有此
歌

暫駐夔州詹郡伯黃楊二司李招集白
帝城戲柬

壬子四月六日送春于野

吉祥寺松下夜歌和友夏

玉泉寺鐵塔歌

隋大業十一年雜錄

鄴中歌

贈李長蘅

寄題友夏紅濕亭

章甫贈雙鶴歌

登浮渡妙高峯歌

舟屋茂之所居改以巢鶴歌

觀日歌

插戴詞

見姬人臨粧看鏡中臘梅花 二一首

新姬手植盆蘭引

元旦臘雪歌和蘇弘家符卿時 廷尉

董公光祿周公各以朝正 孝陵有詩

紀之

自題畫贈商孟和

桃花澗古籐歌

禮牛首畫祖像贊 并序

隔雨聽鼓吹歌

范漫翁畫山水歌

咏畫蘭停筆

觀周令滋米趙二石歌

贈錢丈

咏古玉刻螭子得峰 并引

沈雨若以朱白民竹卷贊予畫戲作此

歌

五色蘭卷歌 有序

隱秀軒詩玄集

竟陵鍾

惺伯敬著

海虞沈春澤雨若閱

七言古一

題林茂之畫壁

胸中既有真山水壁上何知非絹紙約畧山
雲膚寸間汨汨俄焉潤圖史意所纔見筆輒
追不然過眼將失之有時伸紙乞君筆未必

風神能若斯

題張金銘紙帳

搗繭成帷古香裊入秋須此獨何急君言密
理勝輕容容易秋聲不得入果爾不入秋聲
悲幽夢應無闌出時

送鄭季卿之金陵兼寄書南中所知

昨者看君無去意朝來忽定南行計遠別應
作數日惡君今發口何容易金陵故人無親
跡一日二日難作書書札有無意恐殊欲作
不作中躊躇君言傳語終泛泛隨筆數行自
有餘君欲買宅秦淮老爲君卜鄰難草草左
方幸虛一笏地遲我數年移家至

將移居題別畫壁

屢欲遷居向他處念此數回不能去山水無
人秋作聲一室烟嵐自朝暮畫壁本圖當臥
遊誰知終亦不能留此中清景消不得況乃

隱居車言
置身林與丘

八月十四夜集別張金銘年丈暫假歸

沐

今夕與君同杯酌君言不如歸家樂歸家各
有索居時晤言今夕成今昨長安忍作終年
遊苦死難爲明日留明日不留吾不強途中
豈可值中秋滿且留君意半闌自慚今夕滯
長安思歸轉挽將歸客但覺臨岐置語難

上白帝城望杜少陵東屯居止遂有此

歌

白帝山水何參差欹側升降相蔽虧拳石勺
水細已甚無有不歷落嶽崎杜陵野老雖間
關不肯卜居不經奇胸中眼底足相發其人
其詩皆似之天生夔州此山水不住此老欲
仕誰

暫駐夔州詹郡伯黃楊二司李招集白

帝城戲柬

三君皆楚人

人生客遊何者美。其一友朋一山水。山水難逢白帝城。友朋況值皆同里。四牡雖羸豈使臣。昨朝過此坐生塵。今者舟輿太供頓。何可游山無故人。三君肯分置三處。客中快度三朝暮。

壬子四月六日送春于野

百日春光亦已倦。來時不迎去却餞。前者寒食一月前。郊行才識春風面。鶯花就人人。之遠于將之。空戀戀。送春不必送。花鳥首夏鶯花正繚遶。二月花時空復名。風雨如秋寒悄悄。從茲不作閉門人。青山無日無春曉。辟彼黃花說重陽。重陽曾見幾花黃。

吉祥寺松下夜歌和友夏

報國松勝靈谷松。權奇屈曲如巫峯。物神往往失本形。蓋影濤聲皆已庸。苟不貴形直取

隱秀車言身
意今見此松貌亦恭是時宜月特不月有意
幻昧其聲容一枝每具一丘壑風泉畜泄如
木落以此彷彿報國松辟置盆石當五嶽

玉泉寺鐵塔歌

五金惟鐵最愚劣化爲浮圖萬象列立山水
中精神孑瘦幹高莖疎其節目星散氣冰霜
結佛數恒沙萬生滅蛟人出波鱗介別商周
墨玉漢凹凸似非鑪冶出鑄鑄臥蚕盤螭不

瑣屑元氣淋漓取精竭阿育之鉢藏敢泄鬼
物司之莫能竊其中出入風雷截流出峩眉
神僧掣關係運數汗隆闔匿光送景大地泉
摩娑情文耳目悅如几案間可擺撤巨細靈
頑理難絜勿云巧力傷樸拙請循其本仍古
鐵

隋大業十一年獲歌

大哉形神相亭毒金鐵斯壽衆形促若將神

氣視金鐵金鐵猶爲有形屬大業之獲到於
今水火退盡存者金以置佛前配古塔後人
不信爲金驚天道三十年一變後火前薪不
相見一鐵萬古此聲色宛對鑄者刻者面自
唐以後諸不朽有此獲時皆未有吁嗟形及
能不化不以精粗爲近久

鄴中歌

城則鄴城水漳水定有異人從此起雄謀韻

事與文心君臣兄弟而父子英雄未有俗
中出沒豈隨人眼底功首罪魁非兩人遺臭
流芳本一身文章有神霸有氣豈能苟爾化
爲塵橫流築臺拒太行氣與理勢相低昂安
有斯人不作逆小不爲霸大不王霸王降作
兒女鳴無可奈何中不平向悵明知非有益
分香未可謂無情嗚呼古人作事無鉅細寂
寞豪華皆有意書生輕議塚中人塚中笑爾

書生氣

贈李長蘅

題君三絕君未領看君意色何淵永若登絕
境已無餘自茲以往復焉如興來興止性情
真有意無意如其人予家畜子寒林圖秋冬
之際子精神乞君再作無所拂子意其當無
苦物

寄題友夏紅濕亭

落日在湖沈紅濕日日湖中見未及子亭其
上朝夕之朝見日來夕日入日光水光相原
委紅者非日濕非水偶然過眼或失之不及
要人時自起予住寒河未有亭寒河水日何
嘗停日光水光欲示予予登亭時恐不如

章甫贈雙鶴歌

至人耳目卽霄漢鳴舞庭中豈近玩支公放
鶴鶴肯去意者孤棲求其伴若使雙雙如友

生在庭在野同其情所以君今同損致不使

異處分飛鳴予家隻鹿不我違

予有一鹿放之不去豈

有隻禽苟爾非此物求友亦擇主惟我與爾

終其依垂老期君共丘壑養成頂翼待君歸

登浮渡妙高峯歌

茂之題名

浮渡無峯亦自可有巖三十六右左妙高峯

妙殊不高三十六巖已在我大通巖瀑出天

門振衣忽上天門坐向者首楞高云阻才坐

石獅皆可頰石獅口吐石鸚鵡上者吼兮一

者語樹苔紅駁藻一山雲日淒妍煙衆藪居

高臨深領其要洞巖碌碌誰能數笑我蠅頭

二千字君但大書三十五

舟屋茂之所居改以巢鶴歌

勿逝我梁發我筍物情往往恤其後鵲巢寧

保鵲終之但慮來者非吾偶子去子居何忍

收維鶴與子終其儔後有斯物前斯人猶勝

隱方車言一
爲巢讓與鳩鶴處籠中鞠其躬察子形神爲
之愁我欲客爾鶴亦樂爲我與爾忍拘縛留
君君去君不居維君亦念鶴無廬君無所恤
鶴不辭代蕭者曹何遜爲月明江空時一鳴
是君中夜長嘯聲

觀日歌

濛濛萬象未勾萌居天海間發其英殷勤照
我三萬日何惜一朝觀其生已非昨夜特未
朝去天趨親海趨遙一碧以上冠萬光光以
內外星搖搖此時星如不欲落氣之所至星
光弱人指萬光作日光良久日從碧中躍新
出於浴未暇圓水風厚今日猶薄躡躑拍浮
光無主火金與水相子母遵養時晦諸氣中
赤黃去盡白始吐日中空華誰所爲問日不
知日當知元化中邊無定理人各言其所見
爾不然此光以往天尚多此時東西影如何

插戴詞

昨日見人初不怪他家女郎皆出拜俄聞插
戴在今晨得無昨事遂爲真風俗重此勝花
燭此番喚出始怯人牆頭簾內集聲影唧唧
如聞未露身掌中嬌稚乍悲羞徘徊約指與
搔頭約指搔頭鏤金粟欲近髮膚未忍觸要
知禮義女兒身非惟細意拭香玉無處驗郎
百歲情手着儂時指爪輕

見姬人臨妝看鏡中臘梅花

有花非梅目以梅蘭蕙雪霜共體裁色香自
殊花同時稱名稱以臘別之此花雖負梅之
名覺比梅花又深情寒素能不廢柔艷不與
同苦同其清呼儂梅花儂不應笑指此花是
我生朝夕與之共言笑安得鏡中不同照今
晨邀與共爲妝照色照香誰最妙花在枝頭
不感人有時憐影勝於真將身入鏡伴花影

隱秀車言
忘却外邊花與身

又

同向冬春爲色香以臘爲名名獨彰何意邂逅承嘉運歲寒同薦君子房邂逅同房非偶然君有玉臺不敢專人道入宮易爲妬儂言臭味易相憐相憐一向同雪霜今晨才共明月光人與花枝共明月聲香欲盡清輝發清輝非神亦非膚花影反憐人影殊寒花有情向人語我見猶憐况老奴此意不但在君前看君出門然不然

新姬手植盆蘭引

平生憐花如自憐未必花花儂盡然國香本自房中物歲植牀邊獨浣拂今歲人情始學分但看入手孰芳芬物生有命在時地亦關心力勤不勤難惜纖纖暫同涅情知手與花終潔郎言此花名宜男郎今且莫向儂說此

事應亦有人知儂去女兒今幾時

元旦臘雪歌和蘇弘家符卿

時廷尉董公光祿周公各以朝正 孝

陵有詩紀之

久春寒甚同一雪人事天時休咎別氣能壓
蝗春則否去年南北事尤切年來邊腹不可
言事事默恃歲無孽人亦有言重民危標本
之動始於饑饉卽其病食卽藥病者安殺亦

過期猶記楚中歲戊子斗米二百錢未已爾
時糴貸反能支未見確然皆餓死後一紀餘
斗百錢滿眼郊原骨拄天可見公私錢漸空
有年難於昔無年况今又過一紀半事可憂
者非目前且看卒歲野無白三公矧負陰陽
責天爲今年特展期十日以內猶爲澤是歲以正
月十一何如一雪達冬春屈指元旦自元夕
日立春未離冬氣易爲冰一夜陵園堅幾尺各採晨

寒佳氣傷首將歲事薦
高皇歲內旱蝗臣
盡瘁萬一微誠補天地
尺寸無多運數寬議
蠲議折非長計京兆親
民嘗服勤救過不暇
敢言勲今得移將別補
奏精神免爲捕蝗分
自題畫贈商孟和

計君別我六年矣予之學
畫今年始嬾衰事
事減於前却有閒心到
畫理久近工拙不必
言別來新事添驚喜士
隔三日當刮目意外
他長寧止此授我蜀箋
誠自作恐負佳紙筆
未落交情雖反意欣然
心手從違亦斟酌數
撇枝柯不敢多蕭疎乃
反得婆娑中年服官
始作畫勢亦不能復求
苛君言貴具文人氣
正於離處察其意熟後
求生穉求老再晤君
時方許議

桃花澗古藤歌

吾聞藤以蔓得名身無所
依不生成看君偃

臥如起立雅負節目不自輕昂藏詰屈自爲
樹傍有長松義不附春來影落澗水中不與
桃花同其去

禮牛首畫

祖像歌

并序

牛首舊有畫各祖及諸禪師像凡百軸
今存者八十餘輔其他皆不可問東祖
達磨北地法融亦與焉歲久絹墨非故
惺爲疏募裝之仍自書各尊者出處於
首好事者補之滿百偶與福清林古
同邑譚元春湘潭周楷同遊於此瞻禮
之遂作歌并記其存亡新舊之數以付
守者時萬曆己未六月望日

畫家身手佛心腸妙總異同變無方寫示各
祖次羣宿鉢緣欲盡燈始張邀歸縑墨無先
後要使諸燈共一光縑墨壽匪金石匹筆端
願力與之一早知像教劫殘時便是賢愚與

感日悲喜敢云惺也始佛化世人先頑鄙一
念或爲動者機衆力衆情同起止衣履須眉
隨所挹敢以語言自添入直書其事待信心
爲佛爲世標性習東祖菩提牛頭融何可山
中無此翁僉謀補之或曰否二祖神明各祖
中

隔雨聽鼓吹歌讌俞仲茅駕部水榭作
池水澹澹秋颼颼夜中聽觀寒相周主人
樂本異人喧靜不同同其幽有聲落葉哀蟬
內難向葉聲蟬聲求池月倦來檐雨代燈光
欲去去不收始知雨外有繁響化爲寒雨鳴
中流一雨秋薄中難障鼓音人語出兩頭此
時地天人一籟悲哉隔雨不隔秋

范漫翁畫山水歌

山水不言示以天每聽詩家畫家傳性習所
至筆或後筆亦時過性習先點染何嘗不求

似似者有時不必然迂作精神漫作形虎頭
半處卽其全四十以後始盤礴身世之外自
起落自許波瀾已老成視之反似學人作吾
聞老子能嬰兒恰是至人神化時

詠畫蘭停筆

畫蘭先畫其勁質意定須以膽行之亦有深
情如恐竟欲開不開使人思要知香色勾萌
處多在筆墨踟躕時心手相商成意態眼光
鬢影立離離閒待朝來重補足今朝同夢神
先續

觀周令滋米趙二石歌

何米元章趙二
里勒字茂之榻

馬同觀者周安
期安仁陶公亮

山水千秋照冥莫影結爲形成片石高深墜
倚各似之寫其精神與膚澤杖笠遍尋限時
地圖史臥遊終格格此石縮之作具體以待
山水倦遊客形色以外添清響煙霜相戛寒

澆澆米趙好遊始寄此爲與山水中無隔拜
手勒銘敢言玩敬告來者幸無斃君愛二石
并其人摩挲之間成莫逆模榻自是登臨心
豈但鑑藏珍妙蹟是時主客凡六人已未仲
冬十之夕

贈錢丈

子瞻釀酒亦蓄藥身無所與樂人樂意廣雖
無人我殊主人本領亦覺踈君負高懷術復
奇一身二長兼有之使世不病不醒而我
能飲又能醫疾者在門客在席憫悲歡喜顏
常集飲酒長教歌舞佐施藥仍將衣食給問
君何利乃爲爾自適其志遑他及賢吏造請
時一報偃室澹然如未入

詠古玉刻螭子得蜂

并引

六朝子夜讀曲歌吾曰梧思曰絲憐曰
蓮蓋當時委巷自有此口語采入作詩

今繪刻噐物借聲雙關爲吉祥善事之
兆如燕喜爵祿之類事近不經實始諸
此則其來亦久矣萬曆己未臘月初三
日偶步吳門購得古玉刻一小蛛撲得
一蜂蛛大於豆蜂小於葉俯仰避就奇
有情理翼股須目欲動取喜子得封之
意適內人有以此月八日生者舉此爲
壽作新體侑之以代徵蘭之賜

蓮卽憐絲卽忌借字吾聞讀曲詞吳市偶得
漢遺佩古人製噐已先之世云蚌者珠之母
今知玉以螭爲兒觀物合義但取聲爾公爾
侯徵在茲

沈雨若以朱白民竹卷贄予畫戲作此
歌

顧源山水朱鷺竹吾愛二公皆不肉見筆墨
身而說法豈以一石一枝相逐逐吁嗟顧公

吾未見去年曾識朱髯面問他行徑曾不言
袖出朱墨竹一卷子然一身萬里足五嶽貲
糧惟筆硯其時悔未助山資此君交臂遂失
之歸覩顧公煙雨圖未畫一竹竹可思沈郎
愛竹何其篤買萬琅玕歸一束墨氣到紙無
後先一雲所雨同時綠應以如來藥草喻而
爲胷中之成竹竹在朱君猶可致已入君手
安敢覬忽取贄予畫山水知予好此特相畀

顧子作官兼賣文以畫博畫誠自媿

五色蘭卷歌

有序

萬曆己未十月初六夜毘陵舟中夢與
內人吳孟子同種五色蘭以爲男子之
祥許爲予圖之以畫蘭施色不韻珍重
未成天啟元年秋忽作墨蘭至八本正
側委垂意態不一持告予曰向所謂五
色應是五種也此八本中豈不具五種

相乎予是其說紀之以詩

蘭譜前無五色名應是同時因想生吉夢胡
爲久未踐遲回待翕墨花成國香階秀是何
物肯以青黃輕點拂忽然意到得數株偃仰
風月意各殊從傍觀者試擇之就中五色亦
非無吾聞五帝不盈五恰逢劉季公然補故
將五種缺其一有意待予閒與數畫蘭人本
解語花吾將添作幽香主

詩玄集

隱秀軒詩黃集目錄

五言律一

懸軍

贈熊生

春日課僮編籬訖成句

哭魏太易 二首

三月三日雨中登雨花臺

烏龍潭吳太學林亭

隱居詩集
五月三日秦淮卽事 二首

早夏集米仲詔園

西山 三首

喜林茂之至燕 二首

集淨業寺水次再過十方庵看荷花因

宿其中 二首

夜歸聯句

八月初二夜雨

補七月二十七日生日詩

八月初六夜小集聯句

白衣庵水閣

微雨

送韓孟郁孝廉還嶺南

送茂之南歸 二首

庚戌除夕

玉泉謁關祠

夷陵道中

巴東道中示弟恮 二首

暫霽

月

次巴縣傅仲綸年丈招飲江樓賦贈

十五夜月

哭雷何思先生十首 并序

松滋泊風

懷譚友夏時在金陵昨夜夢寄伊書語

使事及詩兼徵其近作

吳彥先自金陵過訪兼致諸友人書感

賦

新涼柬彥先 二首

寄吳康虞

寄吳昌昱元振

寒月同友夏叔靜作

佛燈

初陰

讀林茂之所藏陳白雲五言律七百首

追贈

之燕留別茂之孟和偕予往茂之南

歸二首

新樂始雪

雪夜同孟和作

隱秀軒詩黃集

竟陵鍾

惺伯敬著

海虞沈春澤雨若闕

五言律一

懸軍

聞道邢司馬懸軍駐島夷聖人寬外懼小國
望王師休戚關何事恩威在此時爾邦全仗
漢供億莫言疲

贈熊生

家破猶存舌身餘幾剝膚解驂慚越石彈雀
慎隋珠鴻豈能因熱烏今且集枯少年多畏
路就宿好躊躇

春日課僮編籬訖成句

事到山中減春偏雨後濃縛柴成虎落澆竹
汰龍鍾新旭山山意遙煙岸岸容植援功不
細減米餉諸傭

哭魏太易

降謫矜同籍孤虛怨共辰不然予哭子豈合
爾殲身後事煩知已高文揀替人志成焚告
女商校夢中親

太易與余同生卒之年
余喪長男肆夏歲也

又

爾已先知我文能取稱情素交言懇痛才鬼

鑒分明世所悲奇數君翻就盛名

太易罷諸
生後作六

等吟二十章
人豔慕之

墓辭心已許鄭重敢寒盟

又

卓識驅先入新裁隘舊聞如君寧得老而我
孰爲羣心憊神辭去才多鬼欲分終當尊治
命墓道署遺文

君自題墓曰明
遺文魏長公碑

三月三日雨中登雨花臺

去年當上巳記集寇家亭今昔分陰霽悲歡
異醉醒可憐三月草未了六朝青花作殘春
雨春歸不肯停

烏龍潭吳太學林亭

城午亭先晚園春水欲秋蜂狂花約束鶯過
柳遮留雲氣能香石湖陰半壓舟良辰多下
鏰閒殺此林丘

五月三日秦淮卽事

踊貴絲兼肉爭先步與輪半簾虧蔽面一舫
去來身密葦驚翹袖飛花到葛巾含情相目
處橋外閣中人

又

嵐減峯文細潮生水步鬆薄陰停障面新暑
試輕容煙閣晴皆綺山舩晚似絳火城波上
下犀渚影重重

早夏集米仲詔園

閏肯當三月遊能共幾人盆山青欲暮池草
碧春入戶翻成野穿林似有津歸來逢
友半目慶閒身

西山三首

同馬仲良
湯去執

往往聞名勝遊踪到始知茲焉隨覽涉著處
得幽竒花鳥春難晚林泉夏每遲最憐纔出
郭曲曲見淪漪

又

屢有看山約臨時半去留大都隨意往翻得
盡情遊曲折無三里層深已數丘石苔非一
致潭水各能幽

又

過橋微徑暝稍不辨峰文月散將殘雪煙迎
欲墮雲洞巖窺氣候水木悟聲聞喧寂皆何
往空山方夜分

喜林茂之至燕

白門還故山無意入燕關以我到難必況君
來更艱偶然今夕話是否別時顏客計兼歸
緒于焉且暫刪

又

相違曾幾月心口欲千端見爾遊能遠知今
病稍闌喜開朋舊劄兼悉母兄安問答尋常
事翻同意外看

集淨業寺水次再過十方菴看荷花因

宿其中

韓求仲招

如此匆匆際禪棲肯再來曾無三日隔又見
數花開童負桃笙至僧籠菜甲回出門拚一

宿無復候人催

又

每憶經行處，重遊勝昔遊。往來能漸熟，耳目自多幽。水氣窮昏旦，林聲閱夏秋。晚花不無意，客散獨相留。

夜歸聯句

落月下山徑，草堂人未歸。

林古

砌蟲泣涼露

籬犬吠殘輝

惺

霜靜戶逾皎，煙生墟更微。

古

入秋知幾日，鄰杵數聲稀。

惺

八月初二夜雨

示金銘茂之

茲宵非月夕，卽雨亦何妨。但覺秋聲劇，能令遊子傷。衣裳蟬背葉，書信鴈頭霜。共作長安客，東西各故鄉。

補七月二十七日生日詩

憶前初度日，含意不能題。入耳歡相勉，驚心感自悽。閨人怨弧矢，宦子倦輪蹄。媿殺陶居

士茲辰返故樓元稹歸田詩有陶公三十七
結綬出都門句元時亦三十

八月初六夜小集聯句

睡起理殘夢張耒言須臾故國身好秋難作客

新月易辭人慎言露咽蛩聲斷韓上天天低鴈

影親惺惺空將無奈意砧急任西鄰古度

白衣菴水閣同茂之金銘

入燕欣見水況復是城中鴈帶他村日殞生

別苑風暝兼沙草碧秋借渚花紅肯待空灑

月移時已在東

微雨

定欲重陽雨方成此歲秋雖疎終助冷非久

亦生愁出戶纔能見經枝似不留少焉如昨

夜片月已墻頭

送韓孟郁孝廉還嶺南

送客歲將盡別情能勿窮題詩何所道對語

不堪終嶺樹冬難雪河橋晚易風同來君晷
久亦已返山中

送茂之南歸

不謂還家決題詩送子遲言歸雖累日賦別
必臨期明夜成今昨他鄉屢合離遙思初去
後當似未來時

又

客程容易改遲日意何如無那親相待兼之
歲聿除朋尊須夜半子舍及春初欲寄南中
訊舍情畏作書

庚戌除夕

除歲他鄉夕今年屈指三關心存與沒閱俗
北兼南燈火看相似杯盤對不堪自憐疎野
骨此日候朝叅

玉泉謁關祠

義勇歸何處凄然向此中始知真佛子卽是

大英雄丘壑延神理機鋒豁怨衷厭聞懷古者
祠下說孤忠

夷陵道中

曾聞巴蜀道至此稍稱夷茲路險如此前途
難可知巖巒當雨閉水木到秋悲況值懷諸

感州西扣策時

時哭雷何思先生

巴東道中示弟恮二首

山中未必雨雲起已生愁峽窄天多暮江高
地易秋連朝皆陟巘茲路獨臨流欲盡瞿唐
勝歸途定覓舟

又

一帶高深處明朝次第行且從人指點未必
客心驚此去皆山水同遊況弟兄爲誰忘遠
道所賴共幽情

暫霽

重陽無不雨况作蜀山行已歷諸峯險剛逢

半日晴峽寒偏著色江晚自多聲雖復終陰
曠心魂亦暫清

月

蜀月清如此誠宜數見難尋常秋易沒十六
夜初看岸迫銜江淺山紆出峽殘今宵同宿
處記取在雲安

次巴縣傅仲綸年丈招飲江樓賦贈

縱無樓可上此地已高寒夜爲今宵永秋憐
數日殘淹留隨處有簡易故人難漸喜成都
近王程亦暫寬

十五夜月

峽夜何曾月巴東偶爾圓向來經驛路那似
宿江天霜落寒流外煙生遠映邊清宵亦何
意獨值未歸前

哭雷何思先生十首

并序

鍾子以先生卒之第三日入蜀道夷陵

欲爲位哭焉不能且不忍至自蜀始書
千五百餘言以告先生所可讀也言之
長也乃復爲五言韻語十章使讀者易
終聽者不倦付其家嗣仍語曰鬼不必
時至家必時時誦之或令侍子知書嘗
司筆研者誦於所嘗遊息處以逢其至
鍾子歸亦且爲位祀先生朝夕誦此招
之訖曰其神氣則無不之也無不之也
是以誦於家以冀先生之一至焉
人言師與友吾直惜其人世事有今日我生
何不辰他時思柱石後進失陶甄豈意登堂
約翻成築室身

又

于役亦王事迂途意爲誰茲來覺無謂獨反
欲安之曠士友爲命奇人世所可感恩知已
外別自有吾私

又

斯人天遽奪似欲重羣疑弟敢稱師美人其
謂我私十年官幾日半面友同悲朝野思如
此平生品可知

又

忽忽悠悠體惓惓亟亟心攢眉別有念抱膝
豈徒吟局外觀之審間中得者深感知忘自
量還欲效及鍼

又

必有真豪傑斯無偽聖賢二句彙括先生語 茲言猶

在耳自待豈徒然膽識曾相證機鋒果孰圓

會當須見定密坐義重宣先生曾問予膽識

膽到處亦能生識先生曰恐當是識到處方能生膽予曰初無先後但到處自能相生耳先生思之良久首肯

又

側聽平時語恒稱趙大洲及予窺述作似不

異源流各負匡時氣同懷出世謀惜哉殊秀
實易地道相侔

又

乘化忽馬去遺書不一存分香非所屑易簣
可無言忍遽隔生死時猶共笑喧往還三月
路半信始招魂

又

每於偶爾處言下察其微一往多寒色將無
近殺機真人皆氣骨道韻豈脂韋理數尋
語難參意外幾

又

惺也燕中病諄諄出聲有書言後事無字
及私情豈若盡忘心爲真達生聞茲應問
我來去孰分明

又

早知八月至猶得暫周旋子獨斲三日人皆

隱天車言真集
忝百年半生興盡矣一晤數存焉始悟長松
下微言不偶然庚戌六月先生坐報國松下
與二三子譚有爲之教出世

旨之

松滋泊風

舟經諸峽盡水宿四旬終葉落千村月松滋
一夜風寒江從此闊冬野自能空憶昨頻經
險何如滯此中

懷譚友夏時在金陵昨夜夢寄伊書

使事及詩兼徵其近作

寄書與對面已自不相同况以數行許託之
殘夢中新文知各異密意或能通別緒兼遊
蹟諄諄語未終

吳彥先自金陵過訪兼致諸友人書感

賦

索居敢厭客況有故人臨檐鵲非無識江魚
果致音清華衣履氣淳古鼎彝心各道經時

事關情自淺深

新涼柬彥先

氣變中宵後秋驚二日餘
新涼聊取適殘暑
不遑除雲澹河逾淺
風輕木未疎問君視前
夕旅况較何如

又

秋亦非無暑涼從此漸
生天清河必夜林靜
偶然聲好雨能先
月輕寒不礙晴共茲流

夕誰動授衣情

寄吳康虞

舊識南中半公還自古人意於林壑
近詩取性情真譚子多幽鑑稱君有遠神
友朋山水理言下特津津

寄胡昌昱元振

兩代傳山水形神各自工
從來真有識未肯苟爲同
惟不看家譜方稱有父風
請觀君伯

仲丘壑寫胷中

寒月同友夏叔靜作

清切山中月依稀水際看入霜惟覺澹過雨
自然寒夕淨來無累愆深到已殘添衣須一
出此後對逾難

佛燈

寒照星星內能通靜者機幽明歸一點情理
在餘輝欲續何曾盡將殘似有依此亦如信

銀膏火已皆非

初陰

入冬晴夜夜薄晦却從今霜下暮寒半鴉翻
山氣深惜哉不能雪聊復暫爲陰耳日一燈
際殘更人外音

讀林茂之所藏陳白雲五言律七百首

追贈

翁諱昂字雲仲莆田人避亂楚蜀窮死金陵聞人誦其詩輒從傍哭

落落含毫際熒熒織屨翁一生窮老裏五字

隱秀車言詩集
險夷中眇矣置心眼淵然具化工似聞君痛哭
屢讀不能終

之燕留別茂之時孟和偕予往茂之南
歸

南北路皆寒之情非一端同來有聚散此別
最悲歡主反先賓去君今送我難叮寧第與
姪看爾發江干

又

別家兼別客之北且之南此後如何似斯
已不堪往歸情正等辭送事相叅感爾分良
友征途共夜談

新樂始雪

臘殘才有雪此事北來稀氣結原無漸寒添
幸亦微土沾行欲動塵嬾不能飛明歲重過
處沿途二麥肥

雪夜同孟和作

屈指王程盡驚心歲事終三冬無日別一雪
此宵同食息思南土衣裘試北風朝行能霽
否片月晚寒中

慶都早發望晴雪

親朋曾慮我栗烈薊門行豈意今朝雪先從
昨夜晴半林初日上幾樹白雲生曉看征衣
色輕寒亦有情

雪後保定飲同年夏正甫司理

往經河北奇寒早着人嚴冬行數次今歲
似三春雪罷能爲月宵中欲向晨因君風韻
勝池閣亦清真

十七夜到京看月所寓因題其軒曰儻
月

不見長安月那知近二年卜居惟問此對影
已欣然光在更深後圓當我到先清寒真可
儻絕勝買隣錢

題孟和蘭石書扇贈魏士爲年丈

片石何其介叢蘭但有幽自然能臭味不復
異堅柔竝立原無附和憐不待求同心誰證
取疎竹數枝秋

喜吳伯霖至兼逢馮宗之

伊我南來楚當君北到燕幾三年不老每一
見相憐理數俱無說文章合有權以何酬未
足奇事定須傳

春日集韋氏郊園

同吳伯霖方孟紹和李長蘅商

閩子將

城中諸所見到此已皆非時至花難後煙深
柳肯稀禽魚太無事水石自爲機遊興今方
起殘春未可歸

又

閒時誠不易抑亦在其人地有何常主花非
無故春琴尊皆勝友山水況佳辰物候參差

好重來想更新

別孟和從仲良之吳門

臨期寬一宿猶勝卽時行不覺已明日居然
是遠程稍能爲北計豈至又南征莫謂官貧
好今朝媿友生

儻月軒後竹

儻月還兼竹深知所取饒月明無夜夜竹好
得朝朝以爾爲朋友何曾有寂囂誰能風

後聲影共蕭蕭

寄友夏書

人海歎離索之情子信予欲聞別來事難盡
卽時書手已非心口言遑及起居封題送使
後重憶不無疎

又

作客居家趣俱從朋友生知君遠遊念卽我
欲歸情玄嶽須相待金陵莫便行文章山水

事去住不宜輕

代愛妾換馬

功名仗驥足志節略蛾眉不貴此時意難於
無後思疆場方有事閨閣亦何爲

日明珠買侍兒

程